

敘

歐氏內科一書爲英美醫界名著英國高似蘭先生與我潮州諸子譯之既竣携稿來日本付印校字之時於文理尙多弗適託青年會囑余代爲更正按醫學一科至爲重要吾華自古至今非無精者但近世自命和緩侈通中西諸公半皆窮儒業荒遜而之此初爲餬口既志名利業固不精心亦弗慈其害有不可勝言者故此書之成甚愜余意然出版期近時短日逼况醫藥又非素習冒昧爲之讀者諒焉

己酉季春杜天一敘於日本橫濱